

Q29
H819
= 180 (4)

5/10/07

廣東省

始興縣志

成文出版社有限公司印行

中國方志叢書·華南地方·第一八〇號

據

民國·陳及時等纂修
民國十五年刊本

影印



中華民國六十三年十二月臺一版

始興縣志

全四冊

發行人：黃

成助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

始興縣志卷之十二

列傳上

名臣

張九齡 譚大初

唐

張九齡字子壽一名博物始興清化鄉人也曾祖君政韶州別駕因家於始興生刻令君子胄子胄生索盧丞宏愈嘗僑南海生九齡幼聰敏七歲知屬文居父喪哀毀踰常庭木忽連理人謂孝感所致年十三以書干廣州刺史王方慶大嗟賞之曰此子必能致遠會張說過嶺一見文章便加題拂弱冠舉於鄉考功郎沈佺期尤加激揚中宗景龍元年擢進士第二人授校書

卽明皇在東宮舉文學士以道侔伊呂科策高第遷左拾遺時
帝卽位久未郊見九齡上言繼統之主首重郊見報所受也陞
下紹休聖緒於今五載未行大報不可以為訓帝嘉納之是時
重內階而輕外任以牧守之職為斥逐之地九齡察其弊請重
守令之選科定其資任不歷都督刺史雖考高第不得任侍郎
列卿不歷縣令雖有善政不得任臺郎給舍其都督守令遠者
不令久滯上是其言宰相姚崇負重名為帝所親九齡奏記勸
其遠詔雖進純厚崇嘉納焉俄遷左補闕九齡精藻鑑朝中推
服吏部試拔萃選人及應舉者咸令九齡與右拾遺趙冬曦考
其等第前後數四每稱平允開元十年遷司勳員外郎張說為
相尤親重之稱為後出詞人之冠尋擢中書舍人內供奉封曲

江男十三年帝封泰山說多引所親及錄事主書攝官超遷至五品九齡當草詔謂說曰官爵者天下之公器德望為先勲舊次焉今登封需澤千載一時而清流不霑殊恩胥吏獨濫章黻恐四方失望說曰事已決矣已而制出謗興御史中丞宇文融陳營田法說輒違之融積不平九齡為言說不聽俄為融等所劾罷知政事九齡亦改太常少卿出為冀州刺史以養母求罷改洪州都督徙桂州兼嶺南按察選補使九齡精吏事面決是非口成案牘獄無輕重咸得其平初張說知集賢院嘗薦九齡可備顧問說卒帝思其言召為秘書少監集賢院學士副知院事帝臨朝見九齡風儀秀整挺出百僚顧左右曰每見九齡令人精神頓生會賜渤海詔當草者不副帝意廼以屬九齡詔成

大見褒賞擢工部侍郎知制誥帝常謂侍臣曰九齡文章獨步
本朝朕終身師之不得其一二真文場中之元帥也帝於勤政
樓作七寶山座高七尺召諸學士講經義談政務勝者升焉惟
九齡議論風生得升此座時論美之屢乞歸養不許移其弟九
臯九章官嶺南近地聽給驛省覲尋轉中書侍郎以母喪去哀
毀不勝衣有白鳩來巢紫芝產座側二十一年冬奪哀徵拜中
書侍郎同平章事固辭帝不懌謂忠孝一理喪已踰年何不奉
詔今國家需賢亟安得拘常禮乎控詞哀請竟不許明年遷中
書令封始興伯時天長節百僚上壽多獻珍異惟九齡進千秋
金鑑錄具陳前古廢興之道帝賞異之會范陽節度張守珪以
斬可突干功帝欲徵為侍中九齡曰宰相代天理物惟賢是授

安可以賞功國家之敗錄官邪也帝曰假其名若何對曰名器不可假遂上吏部侍郎李林甫佞而狡奏對稱旨帝欲相之九齡曰宰相係國家安危陛下相林甫恐異日為社稷憂不聽林甫無學術忌九齡文行見重於帝乃引牛仙客為尚書預政事九齡奏曰尚書古納言唐家多用舊相不然選有德望者為之仙客河湟一使典耳令班常伯天下其謂何亡何欲賜仙客實封九齡曰漢法非有功不封唐遵漢法太宗所制也邊將積穀帛繕器械固常職耳何必裂土乎帝怒曰豈以仙客寒士嫌之耶卿固素有門閥哉九齡頓首曰臣荒陬孤生陛下過聽以文學用臣仙客擢自胥吏目不知書韓信淮陰一壯夫羞與絳灌伍陛下必用仙客臣實恥之帝滋不悅翌日林甫進曰仙客宰相

材也何有於尚書哉帝決意用仙客九齡既戾旨慮為林甫所
危因帝賜白羽扇獻賦自況雖見優答竟以尚書右丞相罷政
事而相仙客封隴西郡公自是朝士多持祿養資矣嘗薦周子
諒為監察御史子諒論仙客語援讖書帝怒杖子諒流瀼州九
齡坐貶荊州長史開元二十八年春乞歸展墓曲江五月遘疾
卒年六十有八贈荊州大都督諡文獻九齡文章冠一時諤諤
有大臣節開元後天下稱曲江公而不名後帝每用人必曰風
度得如九齡否其見重如此故事皆措笏於帶而後乘馬九齡
體藏常使人持之因設笏囊笏囊之設自九齡始也初帝愛九
齡學行言無不聽待以殊禮及上金鑑錄雖陽嘉賞內實嫌之
帝倦勤思逸故九齡極言其得失所進皆正人武惠妃謀陷太

子瑛九齡力持之妃致語曰公若相援相位可長處九齡叱曰
房幄安得有外言輒以聞帝為動色故卒九齡相而太子不搖
安祿山初以偏校入奏氣驕蹇九齡謂裴光庭曰亂幽州者此
人也及討奚契丹敗張守珪械赴京師九齡署其狀曰豫且出
師首誅莊賈孫武習戰亦戮宮嬪守珪執法祿山不宜貸死帝
曲宥之九齡曰祿山喪師不可不誅且有逆相弗誅必為後患
帝曰卿無以王衍識石勒枉害忠良卒不聽帝遷蜀思其先見
為流涕遣使祭之厚恤其家建中元年德宗賢其風烈下詔褒
美贈司徒仍遣使致祭所著曲江集海內珍之金鑑錄失傳子
拯以節行著拜朝散大夫太子右贊善其後裔蕃衍興邑或散
處荆閩至今衣冠不絕

清順治戊戌府志郡守陸世楷曰凡郡邑之有先賢也
足為邦家之光然其地或無而必欲據以有之如三縣之
爭歐陽公兩邑之爭許睢陽則至今未有定論也戴叔
常云孔子獨生東魯大禹獨長西吳夫豪傑之才正當
起以自勵立曾何藉於前人而必欲居之以為榮哉
若曲江也然實令始興人則不可不辨焉考陸應陽口
口則以文獻列於南雄其言曰雄州未建之前均隸曲江
可據者一也又考口口口名勝志則以文獻故宅在雄別
居詩相傳在曲江縣南五里而韶郡志亦云家園實在今
始興縣故桂山下云張九齡故宅在此此其可據者二也
又考之黃佐廣東通志載曲江園諸詩且云家園實在今
始興縣此其可據者三也又考之圖志文獻生於清化鄉
俾水上宋時始興縣猶有丞相戶至今子孫家焉書堂鄉
墓俱存其曰曲江公者雄州未析原隸於曲江今清化鄉
分屬始興則文獻之產於始興無疑此其可據者四也
特表之以與世之攘奪者
異毋或同類而共譏焉

明

譚大初字宗元號次川始興人籍岸一都宋朝散大夫煥之後
祖昇父驥大初生而穎異十歲補郡庠生督學莊渠魏公奇之
教以正音綜究經史性理一洗俗學之陋嘉靖丁酉應貢復領
鄉書以貢資還公帑或以為矯止之大初曰受此令心不慊豈
矯乎十七年戊戌成進士觀工部政出跨蹇驢人笑之弗顧也
明堂禮成奉詔歸省丁生母劉憂修郡志公而核太守胡允成
甚敬重之赴選授工部營繕主事管修京通倉并理磚務痛革
積弊不遺餘力有語以善處權責者大初以正對書上蔡先生
言萬事真實有命人力計較不得一段揭之座右以自信粵大
久之復以憂去起補戶部改戶科給事中前此部屬未有改科
者大初以夙望得之
數論事歷兵刑左右給事奉使冊封淮藩覬遺一無所受秩滿

擢江西按察副使獨振風紀視權勢貌如也清軍多所釋御史
孫慎以失額為疑大初曰失額罪小殃民罪大慎從之理驛傳
嚴革冒濫撫院或借資貳其故人亦峻拒焉過者多避道而去
民有枉抑必呼訴譚青天察案哂曰訟牒亦有市願乎時嚴嵩
專柄其親黨屢奪人產有司莫敢問大初得實悉罹於法嵩滋
不悅明史吳秩滿年僅五十具疏乞休疏甫至擢廣西參政不
得已就職值桂林謫米價騰湧請督府開梧州倉糴全州粟使
宜賑恤粵右賴之在事二年值妻子連喪悲慟疾作遂上疏乞
解職不待報而行尋奉旨得致仕築拙逸軒讀書其中時或鼓
琴一曲陶然而樂門人弟子來學者隨問應之多有啟發粵大
無復仕進意嘉靖丙寅召用者碩起河南右參政未上連擢南

京右道政應天府尹三奉詔書不敢復辭將赴南都而穆宗即位疏乞以參政致仕不許隆慶元年召拜工部右侍郎遷戶部左侍郎總督倉場貴戚權璫侵民田土必躬覈之所侵悉歸之民力薦命都御史海瑞可大用累乞休不許轉南京戶部尚書道出淮陰復引疾乞休獲以尚書致仕歸家田不滿百畝深居簡出人罕覲其面卒年七十五有司以聞詔賜祭葬謚莊懿所著有次川存稿八卷族譜五卷自叙年譜一卷遺囑子孫勿讀卹典勿求墓表常言士君子保晚節難兢兢業業日若寡過未能者尚書馬森誌其墓稱其澁不能緇寵非能榮文獻公後一人布政使錢唐陳善稱其清介足以勵頑毅重足以鎮俗進必三讓退由一辭卓然有大臣風庶幾古社稷臣云

粵大記

後督學

受知諸賢之習文義發其潛德也
 俗說靡之習文義發其潛德也
 清乾隆乙亥舊志凌元翰曰邑有古賢事業著當時風氣
 後世志其賢實無容假借也張文獻公始興封焉始興伯
 修然曲法與始興並祀者以其時興邑隸曲江崇祀先賢不
 變互見其實始興人觀文獻懷南山舊居諸詩及王維獻詩
 碑上始興公張相國可見前志郡守陸公詳哉其言之矣至
 始興其素章自陳履歷注始興其文集自標始興述行狀錄
 其門人保昌陳嘉音注始興郡志蓋前郡守陸公索公詳始
 興與邑詳列又不待言矣乃去歲保昌修志忽載詳昌北相
 人遂援入郡志云保昌人始興籍經始興通寧呈明本縣主
 圖中東府憲梁批云據呈與舊志相符着即改正而郡志已
 刻止改曰始興人籍貫尚未釐正進士小注亦未去保昌
 字樣且保昌新修志又云保志前此未載譚莊認今查其住
 在雄城北門則固始興籍保昌人也雄城乃兩邑公共之縣
 今始興人住在雄城者不少而絕考指保昌人可乎郡守陸
 公前辦張文獻公家祭之士王當岷起以自樹立身何藉於
 前人而必欲居之以為榮哉乃若張丞相又獻先生之稱曲
 江公其寔始興人則不可不辨焉譚莊認自明至今若此其
 未達也何可不用辨誠恐日久因此致啟訛傳謹書於此以昭

信也

清康熙丁卯舊志邑令魏琪曰嘗考志書無所謂特傳也
之自始興志始蓋張丞相之相業譚尚書之經濟千古以來
不多見皆山川靈氣所鍾為唐明一代偉人非偶然也太
史公作史記尊孔於世家雖取譏於王荊公而先儒卒未有
非之者以其無失推崇之意耳茲以張
譚為特傳者殆亦太史公之遺意歟

宦蹟

張九臯 張九章 張拯 張抗 張仲方

張採增楊洞潛 鄧戒增劉藻 麥文貴

劉金受增陳德文 譚道生增劉彥祥增黃通

陳昇 蕭振謀 蕭維翰 何子道 譚沂增

梁國樹 陳邦達 戴珮 郭凌霄 莫嘉寵

陳璧魁 蕭先達 蕭志鵬 蕭和韻 王埈

陳肇輅 李炳鑑增陳迪曜 黃玉符 黃玉璫

唐

張九臯九齡仲弟弱冠舉孝廉嶺南按察使裴仙先求賢問俗

推九臯為南海郡司戶參軍及仙先受命征五谿奏授續令倚